



**Centraal Bureau voor de Statistiek**

Inlichtingen: (+599 9) 8392300

Adres: WTC Building, Piscaderabay z/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# Komunikado pa Prensa

Willemstad, 6 yüni 2023

## **CBS ta publiká riba su wèpsait informashon tokante e sifra indise di preis di konsumidó pa lunanan di yanüari te ku mart 2023**

Willemstad - For di sifra ku Ofisina Sentral di Statistik (CBS) a publiká awe, ta indiká ku e nivel di preis promedio a baha na luna di **yanüari** 2023 ku 1.8 porshento, kompará ku luna di desèmber 2022, na luna di **februari** 2023 e promedio a subi ku 0,4 porshento kompará ku luna di yanuari i na luna di **mart** 2023 e promedio a subi ku 0,1 porshento kompará ku luna di febrüari 2023.

### **Analises di kada luna apart:**

#### *Desaroyo di preis luna di yanüari 2023 kompará ku luna di desèmber 2022*

E sifra índise di preis pa konsumidó (CPI, "Consumer Price Index") di Kòrsou a baha ku 1.8 porshento na luna di yanüari 2023 kompará ku luna di des desèmber 2022, esta el a desaroyá di 117,5 na luna di desèmber 2022 pa 115.5 na yanüari 2023. Esaki gran parti ta motibu di bahada di e kategoria di konsumo di transporte i komunikashon (-11.8%), gasolin (-11.5%) i diesel (-19.4%).

Si kompará e periodo di e último 12 luna te ku **yanüari 2023**, ku mes periodo un año anterior, ta resultá ku e averahe di preisnan di konsumidó a subi ku 7,5 porshento.

### **Desaroyo di preis luna di febrüari 2023 kompará ku luna di yanüari 2023**

E sifra índise di preis pa konsumidó (CPI, “Consumer Price Index”) di Kòrsou a subi ku 0.4 porshento na luna di febrüari 2023 kompará ku luna di yanüari 2023, esta el a desaroyá di 115,5 na yanüari 2023 pa 115.9 na febrüari 2023. Esaki gran parti ta motibu di subida na luna di febrüari 2023 di e kategoria di konsumo di kuminda (1.4%) i di muebel i aparatonan doméstiko (2.4%).

Si kompará e periodo di e último 12 luna te ku **febrüari 2023**, ku mes periodo un año anterior, ta resultá ku e averahe di preisnan di konsumidó a subi ku 7,5 porshento.

### **Desaroyo di preis luna di mart 2023 kompará ku luna di febrüari 2023**

E sifra índise di preis pa konsumidó (CPI, “Consumer Price Index”) di Kòrsou a subi ku 0.1 porshento na luna di mart 2023 kompará ku luna di febrüari 2023, esta el a desaroyá di 115.9 na febrüari 2023 pa 116.0 na mart 2023.

Na luna di mart 2023 mayoria di e kategorianan di konsumo a subi ku eksepshon di kuminda (-1.0%) i transporte i komunikashon (-0.6%). E kambionan di preis mas importante pa luna di mart 2023 ta subida di bibienda (0.8%), muebel i apartatonan doméstiko (0.6%) I salubridat (0.6%). E kategorianan di konsumo ku a bira mas barata ta kuminda (-1.0) di kual batata, berdura I fruta (-9.5%); transporte i komunikashon (-0.6%) bou di kual servisio di transporte (-3.5%) a baha.

Si kompará e periodo di e último 12 luna te ku **mart 2023**, ku mes periodo un año anterior, ta resultá ku e averahe di preisnan di konsumidó a subi ku 7,4 porshento..

Pa mas informashon por konsultá e wèpsait di CBS, [www.cbs.cw/inflationprices](http://www.cbs.cw/inflationprices) (tabèl)

